

# Europa

**Europa** je poměrnje mały kontinent, dokładnje prajene žadyn samostatny kontinent, ale džěl dwójneho kontinenta Eurazija, wobstejaceho z Europy a Azije. Jenož Awstralija je mjeńša.

## Wobsah

### Geografija

Rěki

Jězory

### Wobydlerstwo

Rěče

Nabožiny

Města

### Staty w Europje

### Wotkaz

## Geografija

Europa mjezuje z Aziju na wuchodźe, ze Srjedźozemskim morjom na juhu a z Atlantiskim oceanom na zapadźe. Hranica mjez Europu a Aziju njeje jasne definowana, najpopularniša w němskorěčnym konteksće je pak definicija Philipa Johana von Strahlenberga, po kotrejž tworja horiny Ural, rěka ze samsnym mjenom, Kaspiske morjo a Manyčowa nižina sewjernje Kawkaza europsku mjezu we wuchodźe. Porno tomu podawa so w jendźelsko- a francoskorěčnym rumje husćišo Kawkaz sam jako hranica.

Cyłkownje ma Europa přestrjeń wot něhdže 10,5 milionow kwadratnych kilometrow a je tuž druhi najmjeńši kontinent. Najsewjerniši dyk europskeje twjerdźizny leži na poškupje Nordkinn w Norweskkej (70° 54' N), najjužniši Punta de Tarifa w Španiskej (36° N) a najzapadniši Cabo da Roca w Portugalskej (9° 30' W). Zdalenosć wot Urala k Atlantiskemu oceanej je wokoło 6000 km, wot Norweskkeje do Španiskeje wokoło 3800 km. Najwyša hora kontinenta je po powšitkownej definiciji europskich mjezow Mont Blanc (4.810 m) w francoskich Alpach. Wobhlada-li so pak hłowny hrjebjeń Kawkaza jako hranica, je Elbrus (5.642 m) najwyši dyk. Najdlěša rěka je Wolga we wuchodnej Europje a najwjetši jězor Ladogaski jězor blisko Pětrohroda.

## Europa



**Přestrjeń:** něhdže 10,5 milionow km²  
**Wobydlerjo:** 742 milionow (staw 2015)  
 Ličba krajow: wokoło 50  
**Wotwisne teritorije:** 4  
**Najwjetše města:** Moskwa, Istanbul, Paris, London

### Staty w Europje (serbsce):



Europa na satelitowym wobrazu

## Rěki

Wot 20 najdlěšich rěkow Europy běža 13 zdžěla abo dospołnje w Ruskej:

- |   |                                      |
|---|--------------------------------------|
| 1. <u>Wolga</u> (3531 km)               | 11. <u>Wjatka</u> (1314 km)          |
| 2. <u>Dunaj</u> (2811 km resp. 2857 km) | 12. <u>Ryn</u> (1236 km)             |
| 3. <u>Ural</u> (2428 km)                | 13. <u>Desna</u> (1130 km)           |
| 4. <u>Dnjepr</u> (2285 km)              | 14. <u>Łobjo</u> (1094 km)           |
| 5. <u>Don</u> (1870 km)                 | 15. <u>Siwerskyj Donec</u> (1053 km) |
| 6. <u>Pječora</u> (1809 km)             | 16. <u>Wisła</u> (1047 km)           |
| 7. <u>Kama</u> (1805 km)                | 17. <u>Zapadna Dwina</u> (1020 km)   |
| 8. <u>Oka</u> (1500 km)                 | 18. <u>Loire</u> (1020 km)           |
| 9. <u>Bjelaja</u> (1430 km)             | 19. <u>Chopjor</u> (1010 km)         |
| 10. <u>Dnjestr</u> (1352 km)            | 20. <u>Tajo</u> (1007 km)            |

## Hlej tež

Lisćina rěkow w Europje

## Jězory

Najwjětše jězory w Europje su:

1. Ladogaski jězor w Ruskej – 18.390 km<sup>2</sup> (z kupami)
2. Onjegaski jězor w Ruskej – 9616 km<sup>2</sup>
3. Vänerski jězor w Šwedskej – 5650 km<sup>2</sup>
4. Saimaa w Finskej – 4400 km<sup>2</sup> (jako jězorowy system)
5. Peipuski jězor w Estiskej a Ruskej – 3555 km<sup>2</sup>

## Wobydlerstwo

---

Z něhdže 700 milionami wobydlerjow sluša Europa k husće wobsydlenym regionam swěta. Přerězna hustosć wobydlerstwa je 65 wobydlerjow na kwadratny kilometer. Mjeztym zo su srjedźna, zapadna a južna Europa husće wobsydlene, wotběra hustosć wobydlerstwa k sewjerej a wuchodej.

## Rěče

Wjace hač 90 procent europskich wobydlerjow rěči indoeuropske rěče, předewšěm słowjanske, germanske a romaniske. Tež grjekščina, albanščina, baltiske a keltiske rěče kaž tež Romani slušeja k indoeuropskej skupinje. Druhu najwjětšu rěčnu swójbu Europy tworja Uralske rěče. K tomu slušeja hłownje finščina, estiščina a madžarščina jako europske hamtske rěče kaž tež samiske rěče w Skandinawiskej a wšelakore mjeńšinowe rěče w Ruskej.

W europskim džělu Turkowskeje je turkowščina a w Kazachstanje kazachščina jako turkskej rěči z hamtskimaj rěčomaj. Na wuchodnej kromje kontinenta je kalmykščina jenička mongolska rěč, kotraž je w Europje domoródná. Na kupje Malta je z maltaščinu semitiska rěč z hamtskej rěču. Pochad baskiščiny, kotraž so w Španiskej a Francoskej rěči, dotal njeje znaty.

Najbóle rozšěrjenej alfabetaj w Europje stej łaćonski a kyriliski.

## Nabožiny

Křesćanstwo a islam stej najwažnišej europskej nabožinje – wokoło 75 % Europjanow su křesćenjo (předewšěm katolscy, protestantiscy a ortodoksni) a něhdže 8 % su muslimojo, kiž su zwjetša w Ruskej žiwi (25 mil.), ale tež w europskej Turkowskej (6 mil.), w Bosniskej a Hercegowinje (2,2 mil.) a w Albanskej (2 mil.). K tomu přinu dženja hišće muslimscy migranća a potomnicy migrantow, předewšěm w Francoskej (5,5 mil.) a Němskej (4 mil.) kaž tež w Zjednoćenym kralestwje a Italskej.

Židža su mjenje hač jedyn procent europskeho wobydlerstwa (wokoło 2 mil.). Blisko Kaspiskeho morja su Kalmykojo žiwi – jenički buddhistiski lud Europy.

Wokoło 17 procent Europjanow su bjezkonfesionalni, wosebje w Estiskej, Českej, Nižozemskej, Ruskej a wuchodnej Němskej a powšitkownje skerje w městach.

## Města

Najwjetše města Europy su Moskwa (10,4 mil.), London (7,4 mil.), Istanbul (6,9 mil.), Pětrohród (4,8 mil.) a Berlin (3,5 mil. wobydlerjow).

## Staty w Europje

---

-  Albanska (Stolica Tirana)
-  Andorra (Andorra la Vella)
-  Awstriska (Wien)
-  Belgiska (Brüssel)
-  Běloruska (Minsk)
-  Bołharska (Sofia)
-  Bosniska a Hercegowina (Sarajewo)
-  Chorwatska (Zagreb)
-  Česka (Praha)
-  Čorna Hora (Podgorica)
-  Danska (Kopenhagen)
-  Estiska (Tallinn)
-  Finska (Helsinki)
-  Francoska (Paris)
-  Grjekska (Athen)
-  Irska (Dublin)
-  Islandska (Reykjavík)
-  Italska (Rom)
-  Kazachstan (Nur-Sultan) – wjetši dźěl leži w Aziji
- Kosowo (Priština) – njewotwisnosć so wot wšěch statow njepřipóznaje
-  Letiska (Riga)
-  Liechtenstein (Vaduz)
-  Litawska (Vilnius)
-  Luxemburska (Luxemburg)

-  Madžarska (Budapest)
-  Sewjerna Makedonska (Skopje)
-  Malta (Valletta)
-  Moldawska (Kišinjow)
-  Monaco (Monaco)
-  Němska (Berlin)
-  Nižozemska (Amsterdam)
-  Norwegaska (Oslo)
-  Pólska (Waršawa)
-  Portugalska (Lisabon)
-  Rumunska (Bukarest)
-  Ruska (Moskwa) - zdžěla leži w Aziji
-  San Marino (San Marino)
-  Serbiska (Běłohród)
-  Słowakska (Bratisława)
-  Słowjenska (Ljubljana)
-  Španiska (Madrid)
-  Šwedska (Stockholm)
-  Šwicarska (Bern)
-  Turkowska (Ankara) - wjetši džěl leži w Aziji
-  Ukraina (Kijew)
-  Vatikanske město (Vatikanske město)
-  Zjednoćene kralestwo (London)

a poľsamostatnej kupowej skupinje:

- Färöje (Danska)
- Åland (Finska)

a jedna kolonija:

- Gibraltar (Zjednoćene kralestwo)

Wjetšina europskich krajow je člon Europskeje rady. 28 krajow je člon Europskeje unije.

## Wotkaz

 **Commons: Europa** (<https://commons.wikimedia.org/wiki/Category:Europe?uselang=hsb>) – Zběrka wobrazow, widejow a awdiodatajow

Z Wikipedije, swobodneje encyklopedije

Strona bu posledni raz dnja 15. septembra 2019 w 16:52 hodź. změnjena.

Tekst steji pod licencu [Creative Commons Attribution-ShareAlike](#) k dispoziciji; přidatne wuměnenja hodža so nałožować. Hlej [Wužiwanse wuměnenja](#) za podrobnosće.